

仁齋傷寒類書活人總括

一之四





新刊仁齋傷寒類書活人總括目錄

○卷之一

活人證治賦

○卷之二

傷寒總括

調理傷寒統論
表裏虛實辨義

陰陽虛盛用藥寒溫辨義
六經用藥格法

○卷之三

傷寒證治

表裏汗下二證
三陰外證

三陽三陰脈
汗下溫瀉法

三陽外證
變汗法



○卷之四

變下法
傷寒見風傷風見寒脉證
三陽合病明附
風濕中温
痰證傷食類傷寒
變温法
春温夏熱
温毒中暑

傷寒傷風脉證
太陽陽明併病
風温濕温
瘥病温瘥疫癘
虛煩脚氣類傷寒

發熱

潮熱

寒熱

寒熱似瘧

熱多寒少

汗後寒熱

下後有熱傷附食

惡風

惡寒

背惡寒

四逆

厥

頭痛

項強

咽痛

身痛

腹痛脹

奔豚動氣

腹滿

胃腸滿

脇疼

自汗

無汗

頭汗出

○卷之五

手足汗
不可下

不得汗

不可汗

懊懣

痞

結胸

氣短

喘

咳嗽

咳逆

乾嘔

嘔吐

吐血

衄血

下膿

發黃

發斑

舌白胎

口燥咽乾

煩燥

渴

遺溺

可與水

小便自利

霍亂

小便難

大便下利

煩在心躁在身雖
皆由熱而致有輕
重之別傷寒本經
無作煩燥者今皆
改躁本作躁者亦多

○卷之六

怫鬱

冒眩

心動悸

新刊仁齋傷寒類書活人總括目錄

○卷之七

小柴胡湯加減法

傷寒別名

據脈

產科

傷寒戒忌

警署

小兒傷寒

傷寒諸篤證

藥有寒溫相濟

藥方

發狂

搖頭

筋惕身瞤

多眠

尋衣摸空

兩感

陰毒陽毒

直視

戰慄

不仁

瘖後昏沉

百合

虬厥狐惑

陽證似陰陰證似陽

譫語

瘵癢

不得眠

飲酒復

臟結

陰陽易陰陽交

新刊仁齋傷寒類書活人總括卷之一

三山名醫仁齋楊

建安儒醫翠峯詹

士瀛

宏中

登父撰次

洪道校定



活人證治賦

理內通徹 攻取陰陽

一

論風寒暑濕溫熱諸種脈證治法

風緩寒緊為太陽病自汗脈浮緩為傷風用桂枝湯
二藥兼用黃湯之凡服桂枝湯而見寒者其後必吐
汗證服麻黃湯後凡服桂枝湯而見寒者其後必吐
冒不換積散為常散用加劑然其實內藥外溫但可
多候以五積散為常散用加劑然其實內藥外溫但可
證候誤人暑熱洪弱中用之劑然其實內藥外溫但可
與香薷散小柴胡湯弱中用之劑然其實內藥外溫但可
大有表裏俱熱經日不桂枝湯而脈數者須臾量與
以表裏俱熱經日不桂枝湯而脈數者須臾量與
解春曰溫斑曰毒而春病傷曰斑而脈數者須臾量與
其病重蓋陰氣衰而春病傷曰斑而脈數者須臾量與
小柴胡湯蓋陰氣衰而春病傷曰斑而脈數者須臾量與

目 劇 者

劇

枝

暑

請終延頭
縱

卷

鞭皆改鞭

出再下

湯

小腸結急乃以桃
而得則臟家病起
利頰辨陰陽三陽
下利手足溫少陰
堅嘔為裏水龍身
痞滿引脇下之經
十棗湯下之經痛
與陰滑且湯與寒
沉而滑且湯與寒
厚衣惡寒大柴胡
五論病在治法
大抵無身熱無頭
蓋溫諸陰經絡上
湯陰有反發熱上
少湯溫有反發熱
子湯陰有反發熱
傷手湯溫有反發
膈上之必欲發也
傷寒必欲發也
膈上之必欲發也

惡寒即是少陰用
受病最多者附子
張氏云打至人傷
治太陽不可拘以
脈為榮榮行中衛
傷榮氣其病深故
發汗榮合而病深
尤深者榮而病深
於裏者則又深矣
四論一證之中有
豈不以惡寒一也
惡寒一也外熱屬
陰寒一也外熱屬
者四逆發熱一也
湯主四逆發熱一
身熱四逆發熱一
飲食喜冷喜熱一
則嘔發熱有先溫
先解後攻之理下
先解後攻之理下
先解後攻之理下

凡煩燥之藥
均應改躁
有本經可證

其

生血氣實
清美刊

數自

則為表
則為裏

便氣多湯三黃真抵當湯皆取盡黑物度若外不解者
 而蓄膿短眠閉小腹結急皆取盡黑物度若外不解者
 有熱其脈沉滑汗紅熱水化燥煩喘滿悶狂忘
 虛客氣不通故熱指脈沉滑汗紅熱水化燥煩喘滿悶狂忘
 證重則又有人常須證候而脈沉下伏則其氣內竭則血凝氣滯以熱厥閉狂忘
 入重則又有人常須證候而脈沉下伏則其氣內竭則血凝氣滯以熱厥閉狂忘
 澳濃為結胃當下而汗為無陽厥竭為識語當汗而下為痞氣為
 齊水以水當下而汗為無陽厥竭為識語當汗而下為痞氣為
 陽盛有桂枝之斃陰多戒承氣之衝桂枝湯也承氣湯入盛即數以
 人胃者本條用攻太太陽證陽明者先日少陽病併太陽在外解若歸根
 合病黃下利脈弦者主喘條太也陽證名曰少陽病併太陽在外解若歸根
 枝陽明即發汗經利大便自便後或語中燥大便氣堅者有
 陽明因發汗熱大便利小便或後或語中燥大便氣堅者有
 病反惡汗熱大便自便後或語中燥大便氣堅者有
 便病因發汗熱大便利小便或後或語中燥大便氣堅者有
 痰咳積皮之劑北三陽明俱可下惟合病惡寒者有
 痰咳積皮之劑北三陽明俱可下惟合病惡寒者有
 痰咳積皮之劑北三陽明俱可下惟合病惡寒者有

先解後改血條在經下血下後脈數久便堅當解痰紅之毒裏無
 肥下後脈數在經下血下後脈數久便堅當解痰紅之毒裏無
 悶之凶止少實者有痰熱下屬抵當湯七少者熱壯與斷下轉加熱
 悶之凶止少實者有痰熱下屬抵當湯七少者熱壯與斷下轉加熱

六論審證投藥不可輕用

嘗效夫無汗煩燥而脈浮緊者可服青龍
 投白虎無汗煩燥而脈浮緊者可服青龍
 之湯或生血用滑而汗未解而陰氣盛者
 之湯或生血用滑而汗未解而陰氣盛者
 之湯或生血用滑而汗未解而陰氣盛者
 熱遠熱之為當用寒遠寒而後愈
 飲則五苓散非可輕進中者不可
 飲則五苓散非可輕進中者不可
 飲則五苓散非可輕進中者不可
 飲則五苓散非可輕進中者不可
 飲則五苓散非可輕進中者不可

陽藥以甘辛湧泄為陰劑惟酸苦陽虛陰盛汗之則愈故用其
 能復其陽也酸苦之劑復其陽也酸苦之劑復其陽也酸苦之劑復其陽也
 氣動不日大承氣湯之類也
 心結不日大承氣湯之類也
 理中湯去積如桂枝湯之類也
 腎惡燥故去積如桂枝湯之類也
 於寒證最便若遇熱嘔有不可無生薑
 七論脈證順逆及諸惡證不治

又當知陰病陽脈與汗後而平靜者治陽病陰脈兼汗已而疾
 洪者亡陰病陽脈與汗後而平靜者治陽病陰脈兼汗已而疾
 日陰陽之交若不脈沉則汗後復熱者治之
 當八日汗已之脈沉則汗後復熱者治之
 不治又厥逆上發熱脈沉則汗後復熱者治之
 而煩加吐瀉腎證未易保
 利反能食除中何以當嘔悶或肢冷臍硬
 一則出蓋暴多食或氣出嘔悶或肢冷臍硬

伸冷蓋體冷

心下痛悶如石硬四肢逆冷或口噤汗戰或肝弦土傷
 下利者治之
 六者自然隨其胃中寒而解之
 者七日然其胃中寒而解之
 視體發熱而汗出者治之
 循衣摸床妄言者治之
 陽病是陰脈也
 經代脈以皆戕也
 中代脈以皆戕也
 數止不者死又還日傷寒脈動心也
 八論變例法當通變

浮木附

汁咽證

者曰燥自利者乃
脈腹滿脈下者補
心下痞便便乃鞭

發躁煩躁同後

斷之曰陽明無汗少陰反熱取表以溫
 建中湯出多微惡寒明少陰者微表承
 脈沉痲黃四逆湯少陰病微表承
 用通脈黃附子甘草湯少陰病微表承
 無陽明痛條少陰病微表承
 多急攻其內少陰病微表承
 惡寒而喘不時煩者不可欲與衣被利
 日承脈而喘不時煩者不可欲與衣被利
 大承脈而喘不時煩者不可欲與衣被利
 利心下痞便太陽之無表裏證發熱
 亦變例此下腹滿下陰枝湯皆陰證
 入腹承證氣道在只用掛枝湯皆陰證
 漏虛溫瀉脈乃陽家之溫葦陽風濕證
 通用桂枝加附子湯中湯太風濕子湯
 為陰陽俱虛附子建中湯太風濕子湯
 湯大便不利後或下後病沉不與夫陰證
 發燥遲脈沉後或下後病沉不與夫陰證
 又當識脈之所在熱物遲寒則陰陽別矣
 變似陽陰疑臍以陽證可身冷煩數

發

燥而小便不利者至是者
 大熱而小者至是者
 熱大者至是者
 寒熱者至是者
 之汗者至是者
 更如脈與微遲相妨切藥無汗者
 如脈與微遲相妨切藥無汗者
 下其脈與微遲相妨切藥無汗者
 俟其脈與微遲相妨切藥無汗者
 表裏屬而汗下微遲相妨切藥無汗者
 湯之屬而汗下微遲相妨切藥無汗者
 誤之屬而汗下微遲相妨切藥無汗者
 言多附則為要可厥下虛瀉結未辨且下
 寒流多日忽為要可厥下虛瀉結未辨且下
 亦然小兒病驚氣自發熱中將產亦如

傷寒格法張長沙開其源朱奉議導其流前哲後賢發明秘
 妙吾儒之孔孟矣世有謂傷寒論其辭艱深亦有以問答繁
 多增益意度議活人書者多見其不知量也活人宗師張朱
 作古是篇刊布不敢名稱使學者稽為驗為決以溯古人之
 用心皆知起敬

增修仁齋傷寒類書活人總括卷之一

新刊仁齋傷寒類書活人總括卷之二

傷寒總括

調理傷寒統論

傷寒汗下溫之法最不可輕據脈以驗證問證而對脈太陽者陽證之表也陽明者陽證之裏也少陽者二陽三陰之間太陰少陰厥陰又居於裏總而謂之陰證也發於陽則太陽為之首發於陰則少陰為之先太陽惡寒而少陰亦惡寒但太陽之脈多浮少陰之脈沉細與其他證狀亦自異也發熱惡寒身體疼痛或自汗或無汗是為表證可汗不惡寒反惡熱手掌心并腋下濺濺而汗口燥胃乾壯熱腹滿小便如常不白不少而大便秘鞭是為裏證可下厥冷拳默自利煩燥而無身熱頭疼是為陰證可溫單浮與浮洪浮數皆緊者此表病之脈滑實弦緊中間數盛者此裏病之脈沉而微細緩弱者此陰病之脈在表者

煩燥之燥
改躁
後同

邪搏於榮衛之間在裏者邪入於胃府之內胃府而下少陽居焉若傳次三陰則為邪氣入臟矣胃府如府庫之府故謂之裏大抵以剛劑溫之榮與衛均為表也亦均可汗也然自汗者為傷風風傷衛氣衛行脈外其脈浮緩而病尚淺則以桂枝湯助陽而汗之輕無汗者為傷寒寒傷榮氣榮行脈中其脈浮緊而病稍深則以麻黃湯助陽而汗之重榮衛固為表也胃府亦可以為表也然以府臟而分表裏則在府者謂之表在臟者謂之裏胃取諸府可以表言若合榮衛府臟而分之則表者榮衛之所行裏者胃府之所主而臟則又深於裏者矣榮衛屬太陽經陰經三審脈問證辨名定經真知其為表邪則汗之真知其為裏邪則下之真知其為陰病則溫之表有邪則為陽虛陰盛而發表之藥溫裏有邪則為陰虛陽盛而攻裏之藥寒陰經受邪則為臟病而溫陰之藥熱是三者貴乎得中否則寧可不及亦不可太過得中者上也不及者次也夫苟太過則斯為下矣蓋

得中者如此而汗如彼而下又如彼而溫桂枝承氣投之不差薑附理中發而必中重者用藥緊輕者用藥微不背陰陽深合法度故曰得中者上也寧可不及者證與脈大同而小異名與證似異而實同當五分取汗而三分之劑散之當五分轉下而三分之劑導之當純剛溫裏而略溫之劑扶持之未可汗下者與之和解未可遽溫者且安其中若猶未也則增減於其間細而加消詳徐徐而就條理雖未遽安亦無傳變故曰寧可不及者次也太過者粗工不知深淺輕舉妄動者為之或問證而不知脈或執脈而不對證或名實之不辨或日數之為拘遂有汗下太早之失甚者諉曰不問陰陽當汗而反下則為痞為結胃為懊懣當下而反汗則為譫語為無陽動經為下厥上竭至於陽厥似陰之類誤以剛劑投之古黑發狂悶亂可畏性命至貴可輕試哉故曰夫苟太過則斯為下矣大抵治傷寒有法與治他病不同條例審的藥進病除七劑少差生死立異古之人

處方立論曰可汗曰可下曰可溫曰和解曰少與曰急下曰隨證滲泄與夫先溫其裏乃發其表先解其表乃攻其裏謂知音者若網在綱有條不紊此固得中者之事也若班固所謂有病不服藥常得中醫許仁則以為守過七日最為得計此非寧可不及之意乎王叔和善脈而且以承氣為戒初虞世善方而論傷寒一節且謂麻黃桂枝非深於其道則莫之敢為又非所以為太過者之戒乎論而至此則知古人之立論甚嚴而傷寒汗下溫之法其不可輕也信矣雖然汗下溫之法固自有定論也經云傷寒六七日目中不了了無表裏證脈雖浮亦有可下者少陰二三日無證亦有可汗者陰證四逆法當用溫而四逆散輩中有柴胡枳殼此豈厚誣哉曰醫在九流之中非圓機之士不足與語也何者脈雖浮而亦可下者無表裏證謂六七日大便難也藉使大便不難其敢輕下之乎少陰病亦有發汗者謂陰證初病便屬少陰而反發熱少陰本無熱今反發熱者是表

猶表解故用溫藥微取其汗也藉使身不發熱其敢輕汗之乎四逆湯用薑附四逆散用枳柴一熱一寒並主厥逆固不侔矣然傳經之邪與陰經受邪初病便厥者不同故四逆散用藥寒主先陽而後陰也四逆湯用藥熱主陽不足而陰有餘也其敢例視陰逆一切溫之乎不特此爾傷寒有始得病其脈沉數外證腹滿口燥煩渴即為陽盛入內之證醫法以下劑攻之不可藥以一二日太陽而發表以前所謂陰證傷寒初病以來便見脈沉厥冷惡寒更無頭痛即是少陰受病之證醫法以乾薑附子輩溫之又不可藥以三陰傳次先太陰而後少陰也若張氏之論日數則曰日數雖多但有表證而脈浮者猶可發汗日數雖少若有裏證而脈沉實者即須下之是日數之不可拘也如此孫思邈云服承氣得利謹不中補熱氣得補復成此所以言實熱也王叔和有曰虛熱不可大攻熱去則寒起此所以言虛熱也二人之言殊途同歸是虛實之不可不辨也如此又况寒

溫熱同實而不同名暑濕風異種而有兼病異氣之相乘他邪之並作表證中之有不可汗裏證中之有不可下三陰可溫而攻積證者不同表裏俱見與半表裏無表裏者有異中暑熱病疑似難明傷寒傷風脈證互見陽明本多汗而有反無汗之形少陰本無汗而有反自汗之證或際極發燥熱極發厥陰證似陽陽證似陰差之毫釐繆以千里又有痰證食積虛煩脚氣證似傷寒不可以傷寒之法拘之自非心領意會達變知幾體認之精發用之審則縱橫泛應幾何而不窮哉孔子曰可與適道未可與立可與立未可與權是說也亦在夫人權之而已矣

陰陽虛盛用藥寒溫辯義

外有脈內無脈為外實內虛外無脈內有脈為內實外虛虛實之義隨其脈之有無者言之人所共知也若夫傷寒一書所謂陰陽虛盛則精微之義不無辯析於其間四十八難曰病之虛實出者為虛入者為實蓋外有脈者表之真陽氣虛故陰邪以

盛出而乘陽是以脈浮於外其病在表法當汗之當其陰邪出表脈浮於外之時不可自惑以為陽脈盛也內有脈者裏之真陰氣虛故陽邪以盛入而乘陰是以脈實於內其病在裏法當下之當其陽熱入裏脈實於內之時不可自惑以為陰脈盛也是說非古人之立意也蓋使人知如此之為陰盛則抑陰而助陽如彼之為陽盛則抑陽而助陰陰盛而邪出於外者發表之藥當性溫以助陽如桂枝湯之類是也陽盛而邪入於內者攻裏之藥當性寒以抑陽如承氣湯之類是也或曰陰出而乘於外是陽之不足也發汗則亡陽而汗之何哉是大不然陰邪搏於外不汗之則邪何由去桂枝之性溫溫之乃所以助陽陽有所助而長則陰邪之所由以消甘辛發散為陽者此也張氏所謂承氣入胃陰盛以亡者正恐陰盛出外而誤以承氣下之外得寒以助邪內攻虛而損正安得而不亡或者又曰陽入而乘於內是陰之不足也陰受病則當有以溫養而下之何哉是

不然陽邪入於內不下之則邪何從出承氣之性寒寒之乃所以抑陽陽有所抑而微則真陰之所由以長酸苦湧泄為陰者此也張氏所謂桂枝下咽陽成即斃者正恐陽盛入內而誤以桂枝汗之內得熱以助邪外熱虛而損正又安得而不斃觀古人發表之藥多溫攻裏之藥多寒則知陰陽虛盛之意微非止為汗下設正所以為用藥寒溫設也可不明辯哉桂枝湯麻黃之須加黃苓升麻柴胡湯革冬月用之須加官桂

表裏虛實辨義

傷寒治法內則審脈外則審證大要辨表裏虛實為先病在表有表虛有表實病在裏有裏實有裏虛又有表裏俱虛表裏俱實毫釐之分貴乎早辯表虛者脈浮而緩自汗惡風用桂枝湯以解肌表實者脈浮而緊無汗惡寒用麻黃湯以發汗裏實者脈伏而牢心腹痛結或大便堅小承氣湯大柴胡湯以下之裏虛者脈沉而弱自利厥冷理中湯四逆湯以溫之至若表裏俱

虛則舉按脈虛如急救表裏之類下利身疼先與四逆湯清便自調後與桂枝湯是也表裏俱實則舉按脈實如表裏俱見之類脈浮尿赤與五苓散誤下腹痛與桂枝大黃湯是也大抵出入傳變各有處所淺深輕重時刻異同精對無差立當見效

六經用藥格法

太陽屬膀胱非發汗不能愈必用桂枝麻黃以助陽却邪陽明屬胃非通泄不能痊必用大黃芒硝以疏利陽熱少陽屬膽無出入道柴胡半夏能利能汗消解血熱黃苓佐之太陰脾土性惡寒濕非乾薑白朮不能溫燥少陰腎水性惡寒燥非附子不能以溫厥陰肝木藏血榮筋非芍藥其草不能滋養此用藥經常之道也然三陽汗下和解人皆知之至若太陰溫燥不行則亦當溫利如桂枝加大黃之類是太陰自陽明而出也少陰雖用附子亦有麻黃細辛之證是少陰自太陽而出也厥陰類例其間有用桂者是厥陰自少陽而出也其或太陽少陽二經鬱

閉則三陰皆自陽明出焉故三陰皆有下證如太陰腹滿時痛為有積少陰咽乾口燥為腎汁乾厥陰煩滿耳聾舌卷囊縮為毒氣入臟皆當下之知乎此則傷寒用藥之法隨變隨應而不窮矣雖然傷寒七日傳遍六經此約法也或首尾只在一經或間傳一二經而止又不可拘但據脈與外證驗之是為活法是篇用字膀胱即太陽胃即陽明膽即少陽太陰曰脾少陰曰腎厥陰曰肝蓋取其音律正耳
傷寒內實大熱通利之後已得輕瘥且量進白粥兩三日未可遽與和胃之劑熱氣得之又復作也繼此旋以易簡溫膽湯入竹茹與之或二陳湯加前胡亦可矣二藥傷寒瘥後通用無熱者只守本方世俗以四君子湯為貴細循習用之不思內有白朮溫而閉氣往往因此而燥閔矣

仁齋傷寒類書古人總括卷之二

新刊仁齋傷寒類書活人總括卷之三

傷寒證治

表裏汗下二證

發熱憎寒體痛時

不憎寒却頻憎熱

脈浮解表定無疑

多汗咽乾裏下之

○表證脈浮身體肢節疼痛惡風惡寒○裏證脈實而不浮不惡風寒反惡熱身不疼自汗譫語不大便或咽乾腹滿○表裏俱見證張氏用五苓散真人用桂枝大黃甘草湯一塊
生薑兩箇**棗**肉桂大黃等**甘草**蒲葶蓋水煎存七分表裏傷寒只一掃岳陽樓

三陽三陰脈

陽屬膀胱胃膽間

浮長弦細沉微緩

陰居脾腎更連肝

審脈仍將外證看

三陽外證從頭走足

腰脊頭疼熱惡寒

耳聾舌苦時乾嘔

目疼汗熱鼻中乾
胃脇堅疼寒熱干

○太陽證腰脊強頭項痛發熱惡寒若傷風則暈塞惡風○
陽明證目疼身熱鼻乾不惡寒反惡熱自汗出不得卧內實
大便難○少陽證耳聾胃脇痛或口苦咽乾目眩或往來寒
熱而嘔○陽病體輕脉輕外證壯熱煩渴大小便秘頭面有
汗昏潰氣麓揚手擲足

三陰外證從足走腹

腹滿肢温利不煩

唇青舌卷多煩滿

舌乾燥渴或憎寒
筋急囊間縮又攣

○太陰證腹滿或痛手足温自利不渴喉下乾○少陰證口
燥舌乾而渴或口中和則惡寒常默默欲寐不欲見光明有
時腹痛又有咽痛二證○厥陰證唇青舌卷煩滿筋急囊縮

滿作滿

後滿作滿
者多似此
推西不再

如

婦人則或消渴飢不欲食食即吐衄○陰病體重脉重外證
厥冷唇青腹滿不渴大小便自利惺惺而靜引衣自蓋足攣
而卧三陰病無身熱無頭痛其或渴者陰極發躁也○陰證
唇青舌黑或白胎或卷強者用生薑頻擦唇口續又易之薑
能回陽生胃解毒温血散氣擦之後陰消陽長黑轉而紅最
為良法

汗下温正法

○太陽傷風自汗惡風桂枝湯傷寒無汗惡寒麻黃湯風寒
俱盛則以桂枝麻黃湯兼用自汗小便數者勿用桂枝可乾
薑甘草湯芍藥甘草湯桂枝湯麻黃湯夏月用之須加黃芩
○陽明不惡寒反惡熱自汗大便難用小承氣大柴胡汗多
者胃汁乾急下大承氣無汗惡寒升麻湯有汗脉遲微惡寒
為表未解桂枝湯無汗脉浮發喘麻黃湯○少陽並屬小柴
胡湯柴胡湯葶冬月用之須加官桂○太陰自利不渴為臟

寒理中湯四逆湯陰證手足必微厥若手足温便是太陰胃
膈脹滿枳實理中圓腹滿脉浮桂枝湯腹滿時痛桂枝加芍
藥湯痛甚桂枝加大黃湯○少陰脉沉口不乾舌不燥及背
惡寒者並用四逆湯小便白者亦用四逆始得病脉沉反發
熱麻黃細辛附子湯口燥咽乾而渴急下之用大承氣○厥
陰脉微浮為欲愈不浮未愈小建中湯脉浮緩如瘧狀者囊
不縮亦欲愈桂枝麻黃各半湯脉沉短者囊必縮為毒氣入
臟可承氣湯下之利不止用四逆湯○三陰中寒微則理中
湯稍厥或中寒下利則乾薑甘草湯大段重者用四逆湯無
脉者用通脉四逆湯六經惟少陰難治大要以口燥而渴知
其熱脉沉而遲別其寒然亦有表裏無熱但煩憤默默不欲
見光明其脉沉細或時腹痛此可以四順湯增加乾薑對之
增損理中圓亦可矣凡陰證白通湯四逆湯通脉湯條例未
敢遽用者且以理中湯甘草乾薑湯代之雖然陰寒亦有毒

乃病氣也滯須行之養正丹金液丹半硫圓皆可流利又為
要藥

變汗法

○陽明與太陽合病有惡寒證屬表可汗用升麻湯又太陽
陽明合病胃滿而喘麻黃湯○陽明本多汗若脉浮無汗而
喘可發汗亦用麻黃湯又陽明病脉遲汗出多微惡寒者表
未解也可與桂枝湯又陽明煩熱汗出如瘧或日晡發潮熱
而脉浮虛者並與桂枝湯若脉實者當用承氣○太陰腹滿
脉浮桂枝湯凡太陰證有用五積散者非謂發汗蓋去積耳
○少陰初得病脉沉反發熱者温之而微取其汗用麻黃細
辛附子湯下利手足冷而身熱者非屬通脉四逆湯又少陰
病二三日常見少陰而無陽熱中滿之證者用麻黃附子甘
草湯微汗之二藥皆陰證傷寒解表之劑陰證初病便屬少
陰不待傳次

變下法

○太陽發熱汗出不解嘔吐下利而心中痞硬者**大柴胡**下之。又太陽病十餘日熱結在裏往來寒熱亦用**大柴胡湯**。無表裏證發熱七八日脈雖浮數可下**大柴胡**。若大便難身微熱者**大柴胡**急下。○太陰腹滿時痛甚者**桂枝加大黃湯**。○少陰口燥咽乾而渴**大承氣**急下之。若口乾燥下利清水心下痛者為積證亦用**承氣湯**。又少陰證六七日腹脹滿不大便用**承氣湯**。又少陰惡寒而踈時煩不欲衣被為表寒裏熱**大柴胡**下之。○厥陰脈沉短舌卷囊縮為毒氣入臟**承氣湯**下之。若厥冷耳聾囊縮而脈沉弦者為少陽厥陰兩感不治有本條又厥陰下利讖語脈不微細與**小承氣湯**。

變溫法

○太陽發汗漏不止惡風小便難四肢急難屈伸**桂枝加附子湯**。太陽發汗後病不解而惡風者虛也為藥**甘草附子湯**。

煩燥之燥

皆改

十三行十八行同

又太陽汗後或下後病不解而煩燥者**伏苓四逆湯**。又太陽心中悸而煩燥**小建中湯**。又太陽七八日脈細惡寒為陰陽俱虛並不可汗下其人素無熱者為藥**甘草附子湯**。素有熱者**黃耆建中湯**。又太陽病八九日風濕相搏身煩疼難轉側不嘔渴脈浮虛而濇**桂枝附子湯**。若大便硬而小便自利者去**桂**加**白朮**。又太陽風濕相搏骨節疼煩身體微腫不能屈伸汗出短氣惡風而小便不利者**甘草附子湯**。○陽明病反無汗皮上如虫行者為久虛可溫之用**朮附湯****黃耆建中湯**。此非冬陽明無汗證也當加體認。

傷寒傷風脈證

傷寒無汗惡寒攻

自汗惡風浮緩脈

緊濇浮兮慘在容

面光不慘是傷風

○傷風脈浮而緩自汗惡風頭疼面光發熱煩燥手足不寐熱勝於寒耳風傷衛氣表虛自汗法當解肌**桂枝湯****敗毒散**

獨活散(人參羌活散)可選用之若項背強桂枝加葛根湯裏
 寒不飲水者桂枝去芍藥加附子湯或加乾薑臟腑滑者和
 解散若臍塞通關散或發汗漏不止而惡風四肢拘急桂枝
 加附子湯壯熱煩燥(人參羌活散)參蘇飲或天麻防風圓薄
 荷泡湯調下脉濡緊自汗勿用桂枝湯當用小建中湯。傷
 寒脉浮而緊無汗惡寒頭疼面慘發熱拘急手足微寒寒勝
 於熱耳寒傷榮氣表實無汗法當發汗麻黃湯麻黃葛根湯
 人參順氣散可選用之頭痛甚者葱白湯或熱多寒少脉弱
 無陽只用桂枝二越婢一湯或喘急者可與麻黃湯尺脉遲
 而血少者黃耆建中湯。淋家衄家瘡家虛家四動氣不可
 汗可與小柴胡湯。太陽脉浮有汗為傷風脉緊無汗為傷
 寒。陽明善飢為傷風不食為傷寒。少陽耳聾目赤胃煩
 滿為傷風口苦咽乾目眩為傷寒。三陰傷風但四肢煩疼
 傷風見寒傷寒見風脉證

執盛而煩手足温 風生寒脉腎浮全
 不煩少熱肢微厥 寒證兼風浮緩然
 ○傷風見寒脉傷寒見風脉為榮衛俱受邪用大青龍湯然
 大青龍不可輕用須是風寒俱盛又加煩躁一證方可與之
 叙易簡者謂二證交攻則桂枝麻黃湯兼用尤為穩當
 二陽合病

太陽合胃脉浮長 若是浮弦合少陽
 膽合胃時弦不短 更將外證互推詳
 ○太陽陽明本太陽病若汗若下若利小便無津液胃中燥
 轉屬陽明故大便堅小便利是為脾約脾約圓麻子仁圓主
 之若惡寒則用升麻葛根湯不惡寒反惡熱大便不秘可少
 與白虎湯不惡寒反惡熱大便秘或譫語調胃承氣湯下之
 喘而胃滿者不可下用麻黃湯。太陽少陽頸項強急脇下
 鞭滿目眩往來寒熱諸證並小柴胡湯。少陽陽明本少陽

鞭滿

病因發汗利小便後胃中躁大便難屬調胃承氣湯。正陽陽明本經風盛氣實也。大柴胡湯。大小承氣湯。主之。又主陽合病腹滿身重面垢讖語遺尿口中不仁屬白虎湯。或舌乾口燥不仁背惡寒者通用。太陽陽明少陽陽明正陽陽明無表證者俱可下。惟惡寒中寒為太陽陽明合病未過經却屬表可發汗用桂枝麻黃各半湯。蓋在經則汗過經則下也。三陰無合病。

太陽陽明併病

太陽已汗併陽明

全入陽明須下劑

不惡寒兮裏未寧

汗之猶在太陽經

○太陽陽明併病本太陽初病發汗而汗出不徹轉屬陽明續微汗自出不惡寒是併歸陽明也。○若太陽證尚在桂枝麻黃各半湯。○若太陽證已退但有陽明者大承氣湯下之。

春溫夏熱

春溫浮緊易輕安

夏月傷寒為熱病

發熱頭疼渴嗽干

脈來洪盛療應難

溫病發於春間及夏至以前是也發熱咳嗽頭痛身疼口中燥渴脈來浮緊持其病輕耳。○熱多者小柴胡湯。熱少者升麻湯。解肌湯。微熱不渴者小柴胡加桂。○渴者小柴胡去半夏加人參。栝蒌根。脈實煩渴大柴胡。微利之。以其實而大便秘也。虛煩用竹葉湯。○嗽者小柴胡加五味子。○夏月傷寒是為熱病發熱頭疼肢體痛重或惡寒或惡熱其脈洪盛用藥不可太溫如桂枝麻黃青龍湯之屬須以黃芩升麻佐之。○熱病三日后脈仍數邪猶在經絡未入臟腑者桂枝石膏湯。○湯。三月至夏謂之晚發。梔子升麻湯。

風溫濕溫

風溫熱汗脈多浮

腹滿脚寒頭目痛

喘渴癡眠體不收

濕溫讖熱汗頻流

風溫尺寸俱浮素傷於風因而傷熱風與熱搏即發風溫惟其有風則四肢緩縱而不收也其證身熱自汗頭疼喘息發渴昏睡或體重不仁謹勿發汗汗之則讖語燥擾目亂無精張氏又云寸脉浮滑尺脉濡弱亦不可下下之則失溲直視若被火則發黃瘕瘵狀如驚癇皆變逆之證耳。病在少陰厥陰二經用萎蕤湯。人參敗毒散。身灼熱知母乾葛湯。○渴甚括萎根湯。脉浮身重汗出漢防已湯誤汗用防已黃耆湯救之。龐氏用葛根龍膽湯證治論用小柴胡湯未醒者柴胡桂枝湯取微汗。痰壅金沸草散咳嗽加杏仁細辛五味子。○濕溫寸濡而弱尺小而急素傷於濕因而中暑濕與熱搏即發濕溫其狀胃腹滿頭目痛發壯熱苦妄言身上汗多兩脰逆冷倦怠惡寒若妄發其汗使人不能言耳聾不知痛處其身青面色變是重暈而醫殺之。○濕溫病在太陰經用百虎加蒼木湯更加官桂。○濕氣勝則一身盡痛發

熱身黃小便不利大便反快用除濕湯五苓散臍膈虛大便滑者理中湯加蒼木白茯苓虛滑甚者木附湯。○暑氣勝則壯熱煩躁小便不利大便閉澀用香薷散治要六和湯臍膈閉而煩渴者白虎加蒼木湯

風濕中濕

風濕浮兮額汗微
身黃熱痛沉而緩

腫疼發熱喜重衣
中濕腸疎小腑稀

風濕脉浮先傷濕而後傷風故也小證肢體腫痛不能轉側額上微汗怯寒而不欲去衣大便難小便利熱至日晡而劇治法但微解肌若發正汗則風去濕在非徒無益而又害之。○治法微解肌用麻黃杏子薏苡甘草加白木防已黃耆湯不嘔不渴脉虛浮濡者桂枝附子湯。○濕多身痛小便不利甘草附子湯煩渴小便不利五苓散。○外不熱內不渴小便自利木附湯緩弱昏迷腹滿身重自汗失音下利不禁白通

黃耆湯之著
皆及都

湯多加**白朮**少用**甘草**。身腫痛微喘惡風**杏仁湯**。○通用
 人參敗毒散熱而煩渴者加**括萎根**若誤下之小便必不利
 可與**五苓散**。○中濕脈沉而緩風雨襲虛澤潤蒸氣人多為
 濕所傷也一身盡痛重着發黃關節煩疼發熱鼻塞時或脹
 滿大便利小便難其外證耳濕家不可汗汗之則發瘥熱而
 瘥者死亦不可下下之則額汗胃滿微喘而噦小便不利全
 濟亦難經云治濕之法不利小便非其治也。○中濕小便不
 利大便自利**甘草附子湯****五苓散**或**除濕湯**加**茯苓**主之大
 小便皆自利則與**木附湯**身體痛或鼻塞**黃耆建中湯****小建**
中湯寒濕交攻疼痛重着**易簡滲濕湯**甚者生料理中湯加
熟附子。○風寒氣濕合而為痺其何以為之治曰寒多則為
 疼痛當用**官桂****乾薑附子**風多則為走注當用**麻黃薏苡烏**
頭中氣則為堅滿**紫蘇****陳皮****枳殼**所不可闕中濕則為重着
 能以**茯苓****蒼朮****乾薑**主之應手而愈

溫毒中暑

溫毒春間斑發瘡

背寒面垢虛來脈

嘔而咳悶透必腸

自汗焦煩是暑傷

溫毒者冬間感受寒毒垂氣至春而發也表證未退毒氣不
 散所以發斑肌肉疹紋心下煩悶嘔逆咳嗽後必下利寸脈
 洪數尺脈實大其為病重蓋陽氣盛耳。○治法通用**玄參升**
麻湯**黑膏**亦主之或用**敗毒散**加**紫草**咳悶而嘔清汁者葛
 根**吉皮湯**證治論**黃連橘皮湯**。○中暑脈虛弱或沉伏身熱
 背寒面垢自汗煩燥大渴毛聳惡寒昏昏倦怠而身不痛經
 云寒則腠理閉暑則腠理開開則洒然寒閉則熱而悶體認
 不精以傷暑為熱病誤人多矣。○內外俱熱口燥煩渴四肢
 微冷而不痛**白虎湯**。○痰逆惡寒**橘皮湯**熱悶不惡寒**竹葉**
石膏湯。○頭疼惡心煩躁心下不快**五苓散****消暑圓**。○霍亂
 吐瀉**香薷散**溫服。○**信効方**中暑用**小柴胡湯**脈訖遲腠理

九行改躁
 十一行不改
 十六行改躁
 廿五行改躁

此躁不改

開洒然毛聳口前開而板齒燥用**白虎加人參湯**。○傷暑發大熱頭痛自汗咽疼煩燥腹中熱結諸藥不効者**小柴胡湯**最良小便不利**五苓散**。○熱病中暑濕溫雖皆因暑所致然脈證不同當明辨之熱病者冬間感寒至暑氣盛而後發此即夏月傷寒但熱多而脈洪盛是也中暑者病在太陽外證與熱病相以但熱病脈盛肢節痛重中暑脈虛肢節不疼兼面垢背寒而手足微冷是也濕溫者濕熱相搏致之病在太陰其脈寸濡而弱尺小而急外證胃腹滿頭目痛身熱汗多而足脛逆冷是也以上三證夏月病多有之須別其名庶無毫釐千里之繆。○凡夏月傷暑雖則熱毒作恙皆因脾胃虛怯而得之胃虛然後伏暑伏暑然後煩燥其有飲水過多及用解暑冷藥太過傷動其中真氣內虧嘔吐不食自利不渴六脈沉微按之隱隱是為裏寒外熱如陰盛隔陽之類不可更泥中暑伏熱之說急以**理中湯****甘草乾薑湯**與之縱或微

煩小便不利斷不可以為熱也又有冷藥過度胃寒停水潮熱而嘔或身熱微煩此亦陽浮外而不內可與**小半夏伏苓湯**或加**前胡脾胃素弱者****二陳湯**主之雖然抑猶有戒也夏月病多傷暑暑家脈虛面顰冷汗手足微寒苟不揣其裏熱之證妄以剛劑投之抱薪救焚不發黃則發斑甚至蓄血悶亂而死矣可不溯源徂流而精審云。○假如夏月泄瀉不止胃脘閉隔飲食不進或心腹痛滿大抵因暑得之泄瀉中滿者**香薷散**加**縮砂**下**消暑圓**心腹刺痛者**香薷散**加**縮砂**下**蘇感圓**俱得其便。○假如夏月下痢或赤或白煩渴嘔逆腹中攪痛小便不利是亦因暑致之可與**五苓散****香薷散****小柴胡湯****黃龍圓**之屬若以此嘔證為脾胃虛寒則誤矣

○瘧病溫瘧疫癘
瘧甚風癘強體肢
後寒先熱名溫瘧

柔剛二證汗譫推
疫癘之邪責四時

瘧者先傷於風又感寒溫致之發熱腹痛口噤頭搖痙瘲不語項強背直腰身反張或目疼或目赤或閉自或反目或足冷或足溫或妄行其脉沉弦而遲亦或帶緊此為惡候不救者多若脉如雨濺散出於指外者且暮殂也傷風頭痛發熱常出微汗又自嘔逆汗之必發瘧新產血虛汗出傷風亦致發瘧大發濕家汗亦作瘧熱而瘧者死瘧初發來多有腹痛之證內經曰戴眼反折痙瘲汗出如珠着身不流太陽絕也其謂是乎○發熱無汗惡寒讖語為剛瘧曰陽葛根湯麻黃葛根湯○發熱有汗不惡寒為柔瘧曰陰桂枝加葛根湯桂枝枯薑葛根湯○二瘧通用小續命湯陽瘧去附子陰瘧去麻黃○剛瘧胃滿口噤咬齒脚攣卧不着席大承氣湯下之○柔瘧桂心白朮湯附子防風散八物白朮散桂枝煮散○溫瘧即壞病也尺寸俱盛先熱後寒吐汗下後重感於寒得之寒多者其脉弦遲熱多者其脉弦數寒熱以陰陽之爭也

或者談論傷寒誤藥壞病吐汗下後續生寒也則曰瘧未必死所幸分而成之不思古人一藥對一病藥進病除安有所謂分為寒熱者哉噫此可為智者道也○先熱後寒及寒熱相等並小柴胡湯先寒後熱小柴胡湯加桂○多熱但熱而燥少與白虎湯或白虎加桂湯○多寒但寒者柴胡桂薑湯治中湯加桂虛人寒甚七棗湯○熱多痰多嘔不入食二陳湯加烏梅○小便秘澀汗出煩渴素有瘴氣不伏水土而嘔五苓散○大便秘嘔吐寒熱無時脉小緊者大柴胡下之○瘧脉自弦弦數多熱弦遲多寒遲弱可溫緊浮可汗緊實可下浮大而胃滿者可吐○經云夏傷於暑秋必病瘧固非傷寒之謂然壞傷寒有溫瘧一證若纏綿不已腹中必有癥瘕用藥對治或者殊途而同歸活人書以祛邪圓取吐久不愈者服瘧母煎圓亦諸瘧中通用之劑耳惟癥瘕能生寒熱凡瘧皆有水惡血包裹而成也瘧母煎圓中有逐水破血之劑

發黃痢

為能下之痰水在上者祛邪圓中有常山為能吐之瘧家多蓄黃水若水不在於上焦則常山亦能下之也一法常山積榔一倍草果烏梅炙甘草各半新汲水隔宿煎凌晨服又法青蒿葶丹等為細末研蒜入蠟圓如桐子凌晨三十粒棗湯下此皆勝藥嘔者可與二陳湯痰飲中節致生寒熱者亦與二陳湯餘見似瘧條例。疫癘傳染老幼皆相似調治一也寸濡弱尺弦緊或肝脈濡細是雖責邪四時然發汗吐下條例通行故曰明知逆順正行無問雖然陰陽表裏條例通行固也然其毒癘之氣蘊蓄于中亦須隨其溫涼權其輕重而利導之庶毒有所泄則易為力也。病源云挾毒癘之氣壯熱煩毒發為心腹脹滿者不治。春感清邪在肝升麻葛根湯解肌湯。夏感寒邪在心調中湯射干湯半夏桂枝甘草湯。秋感熱邪在肺白虎加蒼朮湯發黃瘧因陳調五苓散。冬感溫邪在腎亦名冬溫萎蕤湯。土無正形因火而名。

本草書名散
石方
木當作木

當隨經取之此大既然而耳。寒證者聖散子以火圓神明散可選用聖散子內用木附豆寇良薑只可施之寒濕母惑於通用之說。溫疫通用敗毒散。

○痰證傷食類傷寒

有痰頭項昏和暢

頭疼右數身不疼

外熱憎寒寸浮上

左手脈平傷食狀

痰證寸口脈浮發熱憎寒惡風自汗胃膈妨滿氣上衝咽不能喘息頭不疼項不強為異耳。有熱用柴胡半夏湯金沸

草散易簡參蘇飲無熱二陳湯溫膽湯。非次頭疼者胃膈

滿發寒熱亦是痰證但脈緊而不大瓜蒂吐之此不可謂痰

證例無頭疼當以他證參之也。傷食右手關脈緊盛而數

頭痛發熱惡寒但身體不疼中脘痞悶噎噎食臭為異耳熱

邪伏於脾胃則食不能消經云人迎緊盛傷於寒氣口緊盛

傷於食人迎主外風寒入之氣口主中飲食傷之是以有左

傷於食人迎主外風寒入之氣口主中飲食傷之是以有左

右手之別。中脘痞悶嘔而熱者二陳湯加生薑烏梅。寒多不甚熱者治中湯五積散。心腹滿痛者大柴胡下之。胃膈實而嘔吐者食在上脘瓜蒂散吐之。夾食傷寒證候按病源云下後六七日不大便煩熱腹滿而痛為胃中有乾糞挾宿食故也審如是則夾食傷寒即太陰積證腹滿時痛桂枝湯加大黃者是爾所以太陰受病主胃膈脹嘔吐飧泄朱氏以為飲食得之如曰太陰證飲食不節胃膈不快用理中湯加青皮陳皮或枳實理中圓或二陳湯皆其治也今推明治法有表者與治中湯去白朮多用青皮有表復有裏者與桂枝加大黃湯若表證已解但有裏證者小承氣湯與之可也張氏云傷食者判大黃三五粒入湯劑中正此意耳雖然夾食傷寒則脾胃已傷暴加轉下不可也妄發其汗亦不可也識者於此又當權衡餘見霍亂條例。夾食傷寒便見吐利厥逆而不挾表證者依陰病及霍亂證治之若吐利

厥逆而挾表證者即依先救裏後救表之法

○虛煩脚氣類傷寒

虛煩身首全無痛

轉筋惡食大便難

脈自和平多熱壅

脚氣酸疼而弱腫

虛煩諸虛煩熱也不惡寒身不痛頭不疼脈不浮不緊數為

異耳傷寒亦有虛煩見○重者竹葉湯輕者小柴胡湯嘔者

大橘皮湯並不可汗下○陰證虛煩外熱內寒肢節疼痛陰

日湯○脚氣初病發熱憎寒頭痛嘔噦惡聞食臭肢節酸疼

大便艱難或胃滿腹痛卒起而脚轉筋屈弱卒痛腫重痺頑

為異耳○脚氣通用三和散降氣湯大流氣飲烏藥順氣散

分氣紫蘇飲木瓜散只可二仁圓石南圓枳殼散用木瓜煎

湯調下○毒氣入腹衝心作痛吐涎者降氣湯下養正丹或

用吳茱萸製炒煎熟入生薑汁主之○寒多者越婢湯小續

命湯加生薑汁○熱多者人參羌活散敗毒散並加木瓜或

追風毒劉散加大黃。○風多者小續命湯加獨活或越婢湯。○濕多者除濕湯五苓散。○痰多者除濕湯下白圓子挾寒者養正丹。○煩燥者竹瀝湯或紫雲。○大便秘者脾約圓神功圓麻仁圓或五積散加大黃。○風毒腫痛排風湯檳榔散。○筋急掣痛南木香煎湯調乳香越痛散。○又法香蘇散三錢川練子兩箇取皮肉剉新瓦上焙降真香碎三節和之新汲水煎空心熱服脚氣風癩痛痒皆作效更加川芎。脚氣證候真與傷寒無異或發熱頭痛或身體冷疼或寒熱往來或自汗惡風或無汗惡寒或大小便秘澀腹痛下利胃滿氣短怔忡煩悶嘔噦涎沫惡聞食臭大類傷寒但卒起腿脚屈弱頑痺肢節攣急酸疼或歷節及踝脛間焮然赤腫為異耳傷寒傳足六經脚氣亦傳足六經在太陽則頭痛項強腰背酸重在陽明則口燥鼻乾惡熱謔語在少陽則耳聾口苦胃脇俱疼在太陰則胃腹滿痞肢體浮腫在少陰則咳喘

凡

恐惕咽痛面顰在厥陰則癱緩筋攣陰器脹痛六經所傳又有合病併病外證與傷寒並同凡遇發熱煩燥大便不通嘔歲痰涎而惡食者須審問之脉浮而弦者起於風風則汗而愈濡而弱者起於濕濕則滲而愈洪而數者起於熱熱則下而愈遲而澁者起於寒寒則溫而愈風寒暑濕證狀不同然風為走注寒為疼痛暑為熱煩濕為重着必有可驗之迹治法總要貴乎疎導大便但不可過劑其補湯淋洗則醫家之大戒也雖然脚氣漸入頗深非藥力相接不可也治之亦當究其源或因丹砂發動則為之解丹砂或因飲食釀成則為之消飲食氣觸而作者與之調氣續生他病者則以他病方藥理之所患氣實而死未有服藥致虛而殂甚者喘嗽上氣衝築心疼嘔吐無已腹脇脹滿臍下頑痺不仁最為惡候大槩然爾所謂寒則溫之熱則寒之在表則散在裏則下太虛氣乏扶養其中是為不刊之法。千金慰法食鹽并竈中灰

等和炒熟重帛盛而熨

傷寒傳經之邪病至厥陰其脈微帶浮緩之狀是則脾氣將復邪無所容必寒熱作而得汗解若尺寸俱沉短此為毒氣入臟土敗木賊脾受肝邪必有棗縮舌卷耳聾不知人之證當急下之五救其一或脈來弦亦賊邪也。許學士云輕手脈浮為在表表實浮而兼有力但浮無力表中虛自汗惡風常浙浙重手脈沉為在裏裏實脈沉來有力重手無力大而虛此是裏虛理端的氣口緊盛食必傷人迎緊盛寒邪熾跌陽胃脈定死生太谿腎脈為根帶。治熱入血室血熱留滯小柴胡湯加生地黃治血結胃按之痛活人書海蛤散蓋血聚臙中則小腸必壅小便通則胃次之血散矣。凡小便或赤或澁皆其裏有熱也

新刊仁齋傷寒類書活人總括卷之三

新刊仁齋傷寒類書活人總括卷之四

發熱

發熱初陽冷必憎

少陽脈細仍兼嘔

陽明發熱汗之形

反熱而沉屬腎經

發熱多屬三陽太陰厥陰皆不發熱惟少陰有反熱二證然少陰發熱終是脈沉或下利手足冷也三陽發熱何以明之太陽發熱則惡寒陽明發熱則自汗少陽發熱必有乾嘔之證矣熱邪在表病屬太陽此表熱而裏不熱也熱邪在裏病屬陽明此裏熱盛而達於表也若表證未罷邪氣傳裏裏未作實病在表證裏證之間若傳經之邪至於少陽病在二陽三陰之間其熱皆輕於純在表純在裏者也然而陽明裏實熱盛固當攻之以寒太陽風寒外搏陰盛惡寒雖熱尤當溫散少陽和解雖屬小柴胡微熱不渴者又當加桂是不可無以權之雖然傷寒發熱病之常也脈陰陽俱虛熱不止者仆

下利發熱者殂汗後復熱其脈躁疾為陰陽交此皆不治之證其可例視之乎。太陽發熱惡風有汗桂枝湯惡寒無汗麻黃湯。吐利發熱惡寒是為霍亂。發熱而渴自汗不惡寒是為風溫若誤汗之必身灼熱煩渴獨語各有本條。陽明發熱汗出脈實調胃承氣湯脈浮桂枝湯汗多者胃汁乾急下之用大承氣湯。少陽發熱脈細而嘔小柴胡湯。少陰反發熱有二證脈沉發熱者麻黃細辛附子湯若下利厥逆裏寒外熱脈不出者通脈四逆湯。身熱而不渴則為表熱小柴胡湯加桂身熱而燥渴則為裏熱白虎加人參湯。無表裏證發熱七八日脈雖浮數可大柴胡湯下之若下後脈數不解消穀易飢不大便則為瘀血屬抵當湯。

潮熱

熱潮屬胃不和
咳逆利溇并表證

大結胃家本例圖
勿攻只用小柴胡

潮熱屬陽明一日一發日晡而作也若非日晡所發是謂其熱不潮蓋陽明旺於未申故爾惟屬陽明故潮熱為可下之證苟其脈或弦或浮大便或溇或利小便艱澀外證猶有惡寒則其熱未全入府並不可下但以小柴胡和解之是必表證已退大便鞭結小便如常乃可攻也。

○日晡潮熱屬陽明經脈實可下證用小承氣湯大柴胡湯脈虛不可下者與桂枝湯。○大結胃潮一證却屬太陽用大陷胃湯。○咳逆潮熱。○大便溇利潮熱。○表證潮熱並用小柴胡湯。○腹滿不大便只用小承氣湯微利之勿令大泄。○日晡潮熱甚者循衣摸床獨語如怪直視微喘脈弦者可治脈濇者不治脈不實不虛但用小柴胡湯。

○冬陽明潮熱有時脈浮緊者無汗脈但浮必盜汗並用黃芩湯。

寒熱

往來寒熱闔陰陽
結熱心煩仍喜嘔

大小柴胡及桂薑
渴而頭汗用之良

陽不足則先寒後熱陰不足則先熱後寒寒熱往來者陰陽相勝邪正交爭而作也蓋陽不足則陰邪出於表而與之爭故陰勝而為寒陰不足則陽邪入於裏而與之爭故陽勝而為熱若邪氣在半表半裏之間則外與陽爭而為寒內與陰爭而為熱出入無拘所以乍往乍來而間作也大抵邪居表多則多寒邪居裏多則多熱邪在半表半裏則寒熱相半此又可以知其受病之處用藥固自有條然小柴胡湯最主寒熱寒多者加桂熱結者加大黃脈不甚實而大便澀者加枳殼寒熱相半只守本方是亦活法雖然寒熱之方來如波濤之洶湧其勢有不容遏者當遲之一二日俟少定而圖之經所謂其盛者可待衰而已是又不可不知

○病至十餘日結熱在裏往來寒熱大柴胡湯下之○心煩

喜嘔胃腸滿不欲食寒熱往來小柴胡湯或血氣弱腠理開邪正交爭痰嘔甚者二陳湯○汗下後不嘔而渴頭汗出胃腸滿小便不利寒熱往來柴胡桂薑湯

寒熱似瘧

似瘧膀胱桂可醫

清便不嘔半麻枝

陽明實下浮須汗

血室柴胡小者奇

似瘧一名瘧狀作止有時非若寒熱往來或踈或數而作止無定時也凡感冒之人忽覺毛寒肢慄筋節攣百骸鼓撼嘔不欲食其寒不可禦未幾復轉而發熱者此即溫瘧不必謂瘧脈自弦或洪數或緊實或虛緩或刮濇皆為瘧狀但以外證別之用藥固有本條然小柴胡湯如前斟酌加減亦是活法雖然血虛能生寒熱敗血亦作寒熱陰陽相勝雖一證各有一方其間當以川芎為佐

○太陽似瘧證脈洪浮與桂枝湯○清便自可不嘔日一二

慄
投字仍古
作拘纏字

桂枝麻黃各半湯其脈微緩微浮則欲愈也。陽明似瘧證煩熱汗出日晡發熱脈浮虛與桂枝湯脈實與承氣湯。病人熱入血室其血必結如瘧狀者小柴胡湯主之。瘧後寒熱或潮熱見瘧後昏沉條。諸瘧通用二陳湯熱多者加川芎前胡寒多者加川芎草果。餘見溫瘧

熱多寒少

熱多寒少治膀胱

尺脈若遲為血少

不嘔清便各半湯
脈皆微弱號無陽

熱多寒少陽乘陰也其間三證並屬太陽脈浮緊者可汗或遲或弱皆和解之清便自可謂大便如常也

○不嘔清便自可桂枝麻黃各半湯○尺脈遲血少者先以

小建中加黃耆以養血俟脈不遲即以小柴胡桂枝二越婢

一輩主之○諸脈皆微弱無陽者用桂枝二越婢一湯不可

正汗

汗後寒熱

汗餘寒熱脈中論

沉實當攻浮再表

若見憎寒法用溫

風溫誤汗熱而煩

汗後寒熱邪氣未解徹也脈浮洪者邪在太陽法當再汗脈沉實者邪在陽明又須下之若厥陰餘熱加以下利厥逆惡寒四逆湯溫之無疑矣

○憎寒者屬厥陰大汗出熱不去拘急體疼下利厥逆四逆

湯溫之○脈沉實者屬陽明得汗後如瘧狀日晡而發大柴

胡湯承氣湯下之若只惡寒則為虛用芍藥甘草附子湯只

發熱則為實大承氣湯○脈浮洪者屬太陽汗後寒熱桂枝

二麻黃一湯○風溫不惡寒若誤發汗必身灼熱煩渴獨語

萎蕤湯○溫家汗後大熱脈躁名陰陽交不治熱病已得汗

而脈躁盛亦不治詳見陰陽交條有再汗再下之劑

下後有熱勞食復附

下於汗後致傷榮

瘧後熱名勞食復

陰氣衰兮熱又生

心中痛者豉枞平

○大汗則損氣損氣則陽微脈虛而惡寒大下則傷血傷血則陰弱脈澁而發熱誤汗誤下亦猶是尔且陰以陽為主陽以陰為根血陰也氣陽也血非氣使不能自行令也下之亡陽是陽不主陰矣陰無所主而寒氣搏之所以脈澁寒極血虛所以發熱方匕之劑其可輕乎

○汗後陽微而惡寒可四逆湯或用芍藥甘草附子湯○下

後陰弱而發熱是為內熱可葶藶苦酒湯○瘧後勞復發熱

小柴胡湯枳實梔子湯即雄鼠糞兩頭尖者若脈浮則汗之

用麻黃湯葱白湯脈實則下之用承氣湯大柴胡湯證治論

瘧後餘熱用柴胡桂枝湯下利腹鳴痞滿者生薑瀉心湯小

便不利麥門冬湯○交接勞復外腎腫腹中絞痛竹皮湯勞

役心力復熱用枳實梔子湯小柴胡湯餘見陰陽易條○瘧

後食復發熱枳實梔子湯加大黃粥飯傷飽或食肉或餅脯硬物不消皆復熱也傷食必有痞滿噎氣吞酸腹鳴下利等證可與生薑瀉心湯○下後身熱而心中結痛梔子湯○飲酒復熱有本條

惡風

惡風汗出怯風吹

發汗亡陽成漏者

脈緩而浮但解肌

溫經之法莫遲疑

惡風者見風則怯密室之中無所惡也風傷衛氣衛虛則腠理不密由是而汗出焉證雖屬表不可發汗但微解肌而已衛者陽也惡風陽證也所以表怯而惡風蓋亦陽虛故陰邪出而乘之特其病在皮膚邪氣尚淺耳

○桂枝湯桂枝加葛根湯主之壯熱者與參蘇飲○發汗太

過衛虛亡陽汗漏不止而惡風者法當溫經用桂枝附子湯

或小便難四肢微急難以屈伸並用桂枝附子湯○身熱惡

風項強脇滿手足温而渴小柴胡湯。風温惡風不欲去衣骨節間煩疼掣痛不得屈伸汗出短氣小便不利或身微腫

甘草附子湯

惡寒

惡寒發熱屬於陽

浮數桂枝并越婢

惡寒者不見風而怯寒身雖灼熱亦不欲去衣被也此陰邪

出而乘陽致之蓋寒傷榮氣榮行脉中居衛之下是為表邪

已深法當發汗間有一二自汗則其表已虛但與解肌可也

然而發熱惡寒者屬陽無熱惡寒者屬陰在陽則發汗在陰

則温裏常須識之大要惡寒皆為表證或裏證悉具而微惡

寒者是表猶未解當先解表俟不惡寒然後可以攻裏惡寒不

可愈伏愈火氣及不可過覆被則寒熱相搏脉道沉○發於陽者脉

浮數桂枝湯桂枝二越婢一湯麻黃湯青龍湯酌量輕重用

○太陽證發熱或未發熱皆惡寒有汗用桂枝湯無汗用麻

黃湯○陽明證固當下之惟惡寒中寒者與太陽合病在

經屬表可汗用麻黃湯若脉遲汗多微惡寒者表未解也雖

陽明病可桂枝湯○少陽證頭汗出微惡寒小柴胡湯加桂

○發熱微惡寒柴胡桂枝湯○汗後反惡寒者為虛為藥甘

草附子湯○下後復發其汗心下痞而惡寒者表未解也當

先解表用桂枝湯表解然後攻痞用三黃瀉心湯入生薑汁

發於陰者脉沉細理中湯○四逆湯○少陰證脉沉細用理

中湯○四逆湯若下利惡寒而蹇手足温者可治用小建中湯

若惡寒而蹇時時目煩不欲厚衣可大柴胡湯下之

背上憎寒值少陰

舌乾口躁三陽合

背負陽腹抱陰背寒者陽弱也然背寒有陰陽二證何以別

口和附子本條尋

白虎湯中好酌斟

之少陰一證以其陰寒氣盛不能消耗津液故口中和。三陽合病以其陽氣陷入津液為之乾焦故舌乾口燥陰寒陽熱識者以口中潤燥推之思過半矣。
○口中和而背惡寒者屬少陰附子湯。○舌乾口躁內有熱證口中不仁而背惡寒者為三陽合病白虎湯。經云腹滿身重面垢譫語遺尿口中不仁為三陽合病白虎加人參湯。主之若自汗者亦用白虎加人參湯。○又陽明證背微惡寒無大熱口中燥渴者亦用白虎加人參湯。○中暑亦有背惡寒證但面垢自汗脈虛而伏自有本條。○凡脾胃素虛之人遇暑月間或飲冷水或多喫茶或餐雪菓之屬易致生冷壞脾寒氣蓄聚陰上乘陽故寒從背起冷如掌大此當以溫藥主之。

四逆

四逆須將腎證詳

枳柴芍藥傳經劑

病家手反但微涼

邪中陰經四逆湯

手足不溫謂之四逆陰經之邪主之太陰受病手足自溫傳至少陰則有手足四逆之證四逆之與厥實相遠也或曰均是四逆耳而四逆湯散一寒一熱用藥何不類耶蓋手足自熱而至溫由溫而至四逆是傳經之邪非虛寒之候也四逆散主之若得病以來手足不溫便成厥逆此則陰經受邪陽氣之不足也可以四逆湯溫之臨診要當審此雖然吐利煩燥惡見四逆四逆下利惡寒而跳並屬少陰又為不治之診故併及之。少陰四逆其人或欬或悸或小便不利或腹中痛滿或泄利下重並用四逆散。○初病以來厥冷四逆即用四逆湯。○濕溫兩足脛逆冷有本條

厥

冷厥初來厥有源

熱深發厥初身熱

沉遲而弱冷常存

沉滑時乎指爪溫

陽氣伏藏陰氣越出陰陽不相順接所以厥也其手足逆冷

之證乎蓋諸陽會於四末陽微而為陰所勝初病便厥者是為冷厥其脈沉遲按之則弱醒醒而靜惡寒引衣足多攣臥或身上粟形或下利清穀也熱伏於內先熱而後厥者是為熱厥脈必沉滑按之則數昏塞狂言發渴引飲露手揭衣或燥不得眠或大小便不利也外證皆可驗焉若先厥而後得熱是則陰邪退而陽氣復矣傷寒熱多厥少其病當愈厥多熱少其病則進下利發厥一條亦以厥者復熱為有瘳熱者復厥為已甚蓋下虛則厥陰實使之陽長陰消其可也雖然傷寒血證亦有四肢發厥以至昏迷悶絕者此又不可不知至若少陰下利惡寒而拳手足厥冷與夫臟厥一證皆為不治之診厥之為厥可無辯乎。冷厥初病便作四肢逆冷足攣惡寒引衣自蓋不渴大小便滑泄外證默默而醒四逆湯理中湯通脈四逆湯白通加猪膽湯當歸四逆加茱萸生薑湯可選用。又痰厥氣厥腎厥用易簡芎辛湯。熱厥初病

身熱然後發厥其人畏熱揚手擲足煩燥飲水頭汗大便秘小便赤悌鬱昏憤蓋當下失下血氣不通故四肢逆冷所謂熱深則厥深所謂下證悉具而見厥逆者此也與大承氣湯大柴胡湯或白虎湯。熱厥與冷厥相類但指爪時溫為異耳若疑似未明且以四順圓試之陽厥則有熱陰厥則無熱。寒熱而厥者一手或兩手無脈面色冒昧不澤急與五味子湯并麻黃細辛甘草湯人參調血通脈可以為佐服無汗解則生投藥無汗或脈不至者不治。水氣厥者心下怔忡伏苓甘草湯。邪氣結胃中而厥者脈乍緊乍結心煩滿飢不欲食瓜蒂散吐之。臟厥者七八日逆冷下利發躁無時暫安不治。痰飲厥逆眩運少與三生飲。

頭痛

頭疼惡冷太陽先
惡熱陽明膽細弦
濕鼻塞兮痰膈滿
厥陰乾嘔吐清涎

頭痛為三陽陽明少陽皆有之而太陽則專主是也太陽專主頭痛則頭痛之屬表證者居多陽明少陽又次而輕耳三陰經絡上不至頭故無頭痛惟厥陰循喉嚨之後上連目系頂巔有頭痛乾嘔吐涎吳茱萸湯一證却無身熱亦與陽證不同也雖然大陰少陰其經從足至胷並無頭疼是固然爾然風溫病在少陰濕溫病在太陰而頭反痛至於陰毒亦然

是又某病則有某證脈絡相通不可拘也若夫頭痛劇甚入連於腦手足俱寒此則真痛神丹在手其能救乎

○太陽頭疼發熱惡寒無汗麻黃湯有汗桂枝湯已汗未汗頭痛如破連鬢葱白湯服之痛不止葛根葱白湯○陽明頭疼不惡寒反惡熱胃實氣實攻於頭也少與調胃承氣湯○少陽頭疼發熱脈弦細小柴胡湯○濕頭疼鼻塞頭中寒濕也瓜蒂末納鼻中黃水出則愈○痰涎頭疼胃膈滿發寒熱脈緊不大瓜蒂散吐之可以痰證條參驗○厥陰頭疼乾嘔

涎沫吳茱萸湯若脈微浮為欲愈脾氣將復不愈用桂枝湯
小建中湯若發熱似瘧亦欲愈桂枝麻黃各半湯諸頭疼無熱如聖餅用生薑葱白煎湯下

項強

項強為根主表強

結胃須進陷胃劑

表虛桂葛去麻黃

桂入枯薑瘥反張

傷寒項強急太陽表證也當發散而解之若誤下太陽邪氣乘虛入裏則為結胃項強

○太陽病項背強無汗惡風為表實芍根湯項背強發熱汗出惡風為表虛桂枝湯加葛根不加麻黃○誤下太陽結胃

項強大陷胃圓○太陽傷風復感寒濕身熱足寒頭搖口噤頸項強背反張其脈沉遲此為發瘥桂枝加枯薑根湯○項強脇下滿小柴胡湯

咽痛

咽疼陽毒發成斑
脉緊無陽咽亦痛

肢冷咽瘡腎證者
脉微下利腎傷寒

咽喉不利或痛或瘡穀不入而嘔吐者毒氣上衝所致也陽毒必然發斑少陰四肢必冷其有下利者可與甘桔湯半夏散入甘草生薑佐之其不下利或小便赤而去衣者可與甘桔湯入玄參枳殼使大便順導則黑臭之毒泄矣續以甘草生薑煎湯調之甘草生薑解其毒也腎病咽痛下利身猶熱者未可用四順湯且與黃連龍骨湯即黃連雞子湯去雞子加龍湯

○陽毒咽痛發斑唾膿血脉洪數用藥有本條。少陰咽痛咽瘡服沉遲厥冷或吐利又陰陽脉俱緊反自汗為無陽法當咽痛而後吐利亦屬少陰並不可汗下重射汗出以桑本粉傳之咽痛用甘桔湯猪膚湯若沉冷甚者半夏散通脉四逆去芍藥加北梗與之。咽疼通用甘桔湯上焦壅熱加枳

殼北前胡。腎傷寒一證乃非時暴寒中人伏於少陰之經頭疼腰痛其脉微弱初咽痛似傷寒次必下利非咽閉之比咽痛半夏桂甘湯即半夏散是也下利四逆湯或四順湯主之。證治論口瘡赤爛用蜜浸黃蘗一宿取汁令其熱甚升麻六物湯咽中閉塞烏扇湯。傷寒六七日大下之寸脉沉遲尺脉不至咽喉不利唾膿血手足厥利不止者難治麻黃升麻湯

身痛

身疼浮緊太陽臨

中濕毒陰與風濕

自利肝并腎帶沉

汗餘霍亂本條尋

○局方大柴胡證云邪結在裏大便秘澁心腹疼痛鞭者可服若身體疼痛是表證未解不可與之然則身體疼痛不脉沉不自利太陽之表證明矣其或自利脉沉此則陰證之身痛臟家之裏病云身痛大抵多是表證

。太陽身痛脈浮緊無汗麻黃湯以汗之或尺脈遲者血不足也先用小建中湯以養之俟其尺脈浮即用麻黃湯太陽病七八日脈細惡寒為陰陽俱虛吐汗下並不可至再其人素無熱可為藥甘草附子湯素有熱可黃耆建中湯。厥陰少陰身痛其脈沉必自利四逆湯真武湯附子湯。中濕一身盡痛不可汗下但利小便有本條。陰毒身痛如被杖腹中絞痛脈沉而疾有本條。風濕一身痛重但微汗不可大發汗有本條。發汗後身痛脈沉遲桂枝加芍藥人參湯汗後身痛為寒邪在表脈沉遲為在裏用芍藥人參安和真氣或用黃耆建中湯又汗後霍亂身痛不休少與桂枝湯

腹痛脹

腹痛腎分通脈湯

實痰便結虛疼利

脾兼表證桂加黃

脹則陳皮梗夏良

陰邪在裏陽邪入裏與正氣搏則為腹痛所以痛者有異焉

脈實腹滿而大便秘者實痛也脈虛腸鳴而大便泄者虛痛也陰陽異證用藥不同大抵痛為邪氣實法當疏利陰受病則金液詠養正丹輩溫而利之。少陰腹痛四逆或欬或悸或小便不利或泄利下重四逆散下利清穀脈微欲絕通脈四逆湯腹痛小便不利用真武湯。誤下太陽因而腹痛時痛是有表復有裏為太陰太陽俱病用桂枝加芍藥湯痛甚桂枝加大黃湯。實痛者關脈實煩燥腹滿大便秘結桂枝加大黃湯小承氣湯胃中熱胃中邪氣腹痛欲嘔吐則用黃連湯。虛痛者寸脈濇尺脈弦腸鳴泄利先與小建中湯不瘥小柴胡去黃芩加芍藥與之易簡用建中湯加遠志腹中冷痛四肢厥逆用薑附湯。腹脹者陰陽不知也枳梗半夏湯最良

奔豚動氣

奔豚動氣數般方

左右高低細揣量

玄木理中并用桂

不堪汗下例中詳

動氣者臟氣不調築觸跳動隨臟所主而形見於臍之左右上下也大抵真氣內虛水結不散氣與之搏即發奔豚以其走痛衝突如豚之奔雖有發表攻裏之證汗之下之並不可也然而不言當臍動氣者何耶蓋胃為中州以主津液妄施汗下必先動脾是以不言而喻也舉此動氣非問證何以知之然則調理傷寒貴乎纖悉問證動氣諸藥詳見不可汗不

○太陽病下之後氣上衝者桂枝湯若不上衝不可與也若從小腹上衝於心桂枝加桂湯○發汗後臍下悸者欲作奔豚伏苓桂甘大棗湯○動氣通用理中湯去木加桂蓋桂利小便泄奔豚故也奔豚一名腎氣白朮燥腎閉氣是以去之○吐汗下後心下逆滿氣上衝胃起即頭眩其脈沉緊誤汗之則動經故其身振振搖動伏苓桂甘白朮湯主之此方用白朮者蓋以誤汗動經故用白朮閉其汗也○奔豚動氣脈

沉弱肢體冷可與養正丹○動氣證治論用柴胡桂枝湯

腹滿

腹滿脾家及胃家

三陽合病口頑麻

入邪吐汗下之後

腎證便堅承氣加

腹滿多屬太陰蓋脾為中央土所以主腹滿之候腹中常滿者裏實而可下時滿時減者裏虛不可下當以溫藥和之其有吐汗下後因成腹滿者此則邪氣乘虛而入或疎利或溫散或湧吐條例又不同焉審其邪氣之所起知其邪氣之所在斯可矣雖然太陰主腹滿固也陽熱為邪必腹滿而咽乾陰寒為邪必腹滿吐食而自利一熱一寒又不可以無別若夫腹滿而泄難以有瘳

○太陰腹滿吐食不可下枳實理中丸主之誤下太陽因而腹滿時痛為太陰太陽俱病桂枝大黃湯重者桂枝加大黃湯○陽明發熱腹滿微喘口苦咽乾或不大便譏語火迫者

亦有此證並小柴胡湯噦而小便難加伏苓又陽明腹大滿不大便小承氣湯微下之陽明脉遲腹滿時喘潮熱亦用小承氣湯發黃證有本條○三陽合病腹滿身重難以轉側讞語口中不仁少與白虎湯○吐後腹脹滿常不減者胃中之邪下傳入胃擁而為實也少與調胃承氣湯○汗後腹脹滿者胃虛而不能敷布諸氣壅滯也厚朴生薑半夏人參甘草湯若滿而痛則小承氣湯微下之○妄下後腹脹滿心煩而卧起不安者表邪乘虛而入鬱於胃中也梔子厚朴湯○少陰病六七日腹脹滿不大便承氣湯急下之○腹脹通用枳實半夏湯○腹皮痛者脾不勝水故水與氣搏於皮肉之間觀其腸鳴漉漉可知矣小半夏茯苓湯加官桂伏苓○腹脹滿而短氣者邪在裏而為實也腹濡滿而短氣者邪在裏而為虛也見氣短條

○腹滿用藥皆去白朮木温燥而閉氣也

胃脇滿

胃滿多將表證者

半居表裏脇間堅

虛煩客熱須梔子

瓜蒂拈來吐冷涎

胃滿者胃膈間氣塞滿悶非心下滿也脇滿者脇肋下氣脹填滿非腹中滿也胃滿多帶表證脇滿多在半表半裏之間○太陽病下後脉促胃滿桂枝去芍藥湯病在衛氣為藥入榮其性利故去之○陽明喘而胃滿此猶帶表證不可下可與麻黃湯○胃脇俱滿或脇下鞭痛此半表半裏之證並用小柴胡湯和解之○胃中虛煩客熱或經汗下後煩熱窒塞氣逆捨心並梔子豉湯吐之若氣之則與梔子甘草湯若嘔則與梔子生薑湯○胃中痰實宿寒瓜蒂散吐之○又陽明病心下鞭滿不可下下之遂利不止而死法當瀉吐詳見結胃解題此則胃中虛而氣痞也或用半夏瀉心湯生薑瀉心湯○孫用和云胃滿則諸瀉心湯審證用○邪氣留於胃中

鞭痛

法當瀉吐其高者因而越之是固然有吐汗下後邪氣乘虛入而為煩是則胃中客熱以(梔子豉湯)吐之此吐劑之輕者也。不經發汗吐下邪氣留聚煩滿痰實是則胃中宿寒以(瓜蒂散)吐之此吐劑之重者也。均之為吐又當權衡。

脇疼

脇疼多屬少陽家裏水痞堅須十棗

燥糞陽明並小柴陰筋引痛臟中垂

脇肋痛滿者邪氣在半表半裏之間也邪方傳裏未留為實氣鬱不行法當和解若夫裏水痛堅非下之不可也

○少陽病脇痛耳聾寒熱乾嘔或脇下堅滿並用(小柴胡湯)和解之。○陽明病不解轉入少陽脇下堅滿乾嘔(小柴胡湯)又陽明燥糞不大便脇下堅滿舌上胎滑(小柴胡湯)○太陽病咳嗽乾嘔微利心下痞鞭引脇下痛身涼汗出或時頭疼此為表解裏有水(十棗湯)下之。○病者脇下痛素有痞積在於臍傍引小腹入陰筋俱作痛此為臍結不治

於臍傍引小腹入陰筋俱作痛此為臍結不治

自汗

自汗傷風暑不消無陽霍亂并柔痊

風溫風濕衛難調更與陽明共九條

衛氣所以密腠理而固津液也衛為邪所干不能護衛於是而汗出焉。寒傷榮氣汗獨無之惟風暑濕之邪有干於衛皆為自汗之證也。若夫寒已入裏寒極生熱熱則榮衛通腠理開又為陽明自汗是其熱越而汗出矣。治法各自有條然而汗出以至髮潤或汗出如油或汗出如珠凝而不流此皆不救他病見之亦然

○太陽傷風自汗脈浮緩者(桂枝湯)汗出而渴或小便難者

(五苓散)不渴者(伏苓甘草湯)自汗小便數者勿用(桂枝)惟為

(藥甘草湯)主之自汗小便不數心煩微惡寒脚攣急(桂枝附

子湯)加(人參)參以調榮御必伸也。○太陽中暑汗出惡寒身

熱而濕香薷散白虎湯或用小柴胡湯○風濕多眠喘息自汗若誤汗之必身灼熱讖語並用萎蕤湯○風濕額上自汗關節痛重但微解肌通用敗毒散本餘○衛不和者臟無他病時發熱自汗出桂枝湯○亡陽者太陽證發汗多漏不止而惡風用桂枝加附子湯又少陰證尺寸脈緊反有汗出額上手背冷汗為亡陽主咽痛吐利四肢疼急厥逆惡寒用四逆湯汗多不止溫粉撲之若汗不止惡風煩躁不得卧先服防風白朮牡蠣湯次服小建中湯咽痛通用甘桔湯猪膚湯○霍亂吐利汗出發熱惡寒手足拘急厥冷四逆湯又中暑霍亂煩渴香薷散○柔痊太陽病身項反張口噤瘰癧發熱汗出小續命湯○陽明汗多而渴發熱讖語大便硬調胃承氣湯若小便自利而汗出者為津液少不可攻但用蜜道若汗多者胃汁乾急下大承氣湯陽明汗多而渴勿用五苓散陽明反無汗脈浮而喘麻黃湯

無汗

無汗因寒中太陽

三陰剛症證中詳

冬陽明病兼陰易

七例推尋各有方

腠理為風暑濕所干皆令自汗惟寒邪中經腠理密緻則津液內滲獨無汗焉此特傷寒在表然耳若陰病若水飲與夫亡陽以虛亦皆無汗隨證各自有條惟熱病脈躁盛而不得汗此陽亢也當汗無汗與麻黃湯三數劑而汗不出者此亦不可活也知其可進則進知其不可則已之君請擇斯二者○小柴胡湯證云陰病不得有汗蓋三陰證本無汗其或有汗者亡陽也○冬陽明脈浮緊者必發潮熱脈但浮者必有盜汗黃芩湯主之○盜汗者邪氣方侵於裏尚連於表睡則衛氣行裏而表陽不緻因其表陽不緻故津液得泄覺則氣散而週於表腠理開焉汗復止也是之謂盜汗此邪在半表半裏之間法當和表○徐證無汗治法各有本條

頭汗出

頭汗諸陽氣上蒸
心忪水結讖言血

身黃尿秘引漿頻
表裏柴胡小是珍

諸陽之經循於頭三陰則至頸而還也裏虛表實腠理密緻熱不得越故陽氣上騰津液上湊而汗出於頭抑亦胞虛內涸使然耳夫裏虛則不可下內涸則不可汗頭汗之證無所謂表邪汗之斷不可也若夫陽明熱入血室燥糞讖語俟其過經利之以小承氣湯是可無以權之哉大抵寒濕相搏與夫邪在半表半裏之間則有頭汗設或小便不利內外閉格頭汗則為陽脫誤下濕家額上汗出而喘或小便不利大便自利亦為陽脫二者皆不可活臨診又當審斯

○發黃證頭汗及頸而止小便難引水漿此受濕也茵陳湯
五苓散主之○水結曾證心下忪滿無大熱頭汗出小半夏
加茯苓湯○讖言頭汗是為血熱病屬陽明可承氣湯若心

中懊懣而頭汗者梔子豉湯○半在表半在裏及餘證並小
柴胡湯寒熱往來微惡寒為表脇下滿大便堅為裏○汗下
後胃滿微結寒熱心煩嘔渴為表未解柴胡桂枝乾薑湯或

柴胡桂枝湯

手足汗

手足如何汗不休

熱家燥糞為讖語

胃中熱聚液旁流
寒證難教水穀留

手足汗者熱聚於胃而津液之旁達也亦有寒聚於胃致之
挾寒則水穀不分蘊熱則燥糞讖語
○陽明病手足熱熱汗出讖語大便難此熱證也與承氣湯
下之

○陽明中寒不能食小便不利手足濇然汗出大便初鞭後
溏水穀不分則不可下少與理中湯
不得汗

汗之不得亦須蒸
身痒浮遲惟各半

燥盛遠無未必生
陽明虛證若虫行

傷寒欲得汗與麻黃湯數劑而汗不出者不治熱病脉躁盛而不得汗諸陽之極亦不治二者蓋真病也亦有寒熱而厥忽兩手或一手無脉是猶重陰欲雨之時必澾澾然大汗而解其或投藥無汗而脉不至者亦不可活也是可以容易談哉雖然諸虛少血津液中乾亦不能作汗病人有挾宿恙如痰飲癥癖之類又隔汗而不能出也少血者養血以汗之痰癖者開闕散氣以汗之是為活法若夫汗出如油喘而不休未有能生者也

○服藥不得汗當用蒸法燒地令熱去其火以水洒之用桃栢葉蚕沙糠麩夾和鋪地厚三寸許上鋪席令病人仰卧衣被覆之片時周身至脚心皆汗出乃用温粉撲即移上床○身痒脉浮遲為氣虛亡陽不能作汗桂枝麻黃各半湯主之

○陽明反無汗皮中如虫行以久虛也未附湯黃耆建中湯○凡發汗須令上下周遍身上衣被如常腰以下厚蓋之若蓋覆不周汗出不匝不流必致肢體攣搐可與牛蒡根散不可汗

不堪汗者脉微遲
經水忽來兼失血

温濕虛煩壞病推
臍間動氣並如之

病在表而脉浮者可汗表證悉具若發渴若脉不浮是表猶帶裏也未可汗之傷寒不可汗條例最多其可汗者大抵脉證全在表也表固可汗然汗之太早太過或者津液泄而變生焉至於當下而誤汗則為亡陽為譏語為下厥上竭等證其害人又速耳設或誤汗則真武湯以救解之羸甚者去芍藥有執者去附子吁此救兵也謹之謹之表中風寒裏則不無陽證可以小辛之劑微汗而温散之○脉微弱為亡陽不可汗用桂枝二越婢一湯尺脉遲為血

少榮氣不足也不可發汗先與黃芩建中湯以養血候其脈
不遲即以小柴胡湯桂枝二越婢一湯和解之。風溫濕溫
各有本條。虛煩似傷寒却不惡寒身不疼脈不緊並不可
汗下可竹葉湯或小柴胡湯。壞病者吐汗下溫不解知犯
何逆以法治之並不可汗可小柴胡加減。經水適下表裏
俱虛不可汗小柴胡湯主之衄血下血雖脈浮緊無汗然衄
者欲愈下者亦欲愈不愈則用桂枝湯但不可發汗。腹中
左右上下動氣築觸並不可汗下證治論用柴胡桂枝湯動
在左發汗則頭眩汗不止筋惕肉瞤為逆先服防風白朮牡
蠣湯汗止以建中湯與之動在右發汗則衄而渴心苦煩飲
則吐先五苓散次竹葉湯動在上發汗則氣上衝心棗根湯
動在下發汗則心中大煩骨節煩疼頭痛目運入食即吐先
用大吉皮湯止吐次以建中湯。下利清穀用理中湯或大
便不通者皆不可汗。惡寒脈浮此為表證若渴則邪欲入

裏不可汗。咽乾喉塞亡血淋家衄家瘡家動氣並不可汗
證治論皆用小柴胡湯厥逆不可汗當歸四逆湯

不可下

不可攻浮及細虛
小便自利并清少

惡寒嘔吐與之俱
有表仍兼失氣無

病在裏而脈實者可下裏證悉具若惡寒若脈不實是裏猶
繫表也未可下之傷寒不可下條例最多其可下者大抵脈
證全在裏也裏固可下然下之太早太過或者水穀脫而變
生焉至於當汗而誤下則為痞氣為懊憹為結胸等證其害
人又速耳設或誤下則理中湯以救解之或裏煩則少加
烏梅或轉損厥逆則兼與四逆湯輩吁此救兵也謹之謹之
。脈來細小固不可下若細小而牢緊又可下也
。脈浮病在表不可下結胸脈浮大不可下。脈細虛或遲
緩或尺部瀋弱此凡皆為血氣裏不可下也。惡寒者表之

燥 薑

黃 耆

虛證雖陽明惡寒則與太陽合病屬表可汗不可下若少陰證惡寒則溫之。嘔吐者雖有陽明證謹不可下。小柴胡加生薑主之。小便自利汗出者津液竭糞雖硬屬陽明但用蜜導而出也。猪膽汁亦可導也。脾約證大便堅小便數者枳實脾約丸。大便堅小便清者熱不在裏雖不大便不可下可桂枝湯汗之。少陰證小便白為下焦虛寒用四逆湯。大便堅小便少者津液還入胃必先鞭後溏不久自出惟小便如常乃可下之。有表證脈帶浮或惡寒或猶生寒熱並不可下。不轉失氣謂不下泄也不下泄則先鞭後溏不可下大抵陽明躁糞欲下之先與小承氣湯若轉失氣則必先溏後鞭更進一劑不轉失氣則止又湯明讖語潮熱脈疾與小承氣湯不轉失氣則與小柴胡湯若次日又不大便而脈濇則為裏虛黃耆建中湯主之凡陽證而脈濇謹不可下。頭汗出為津液少胞中虛不可下唯陽明讖語血熱頭汗

鞭 者

則可下。諸虛少血厥逆喉閉嘔吐止陽陰實動氣皆不可下虛家附子湯厥逆當歸四逆湯咽喉閉塞烏扇湯嘔吐小半夏加吉及湯無陽陰失而大便鞭者下之必清穀腹滿但用蜜導。左動氣下之則腹痛拾急氣愈動身雖熱反欲拳先甘草乾薑湯次小建中湯。右動氣下之則津液竭咽鼻乾頭眩心悸竹葉湯。上動氣下之則握掌熱煩汗出欲灌水竹葉湯。下動氣下之則腹滿清穀心痞頭眩甘草瀉心湯。

新刊仁齋傷寒類書活人總括卷之四



